

# Serangan bukti Israel kejam

Tragedi sebelum Subuh Isnin lalu buka mata dunia: Anifah

Sinar Harian 04/06/2010

M/S N6

AMMAN - Menteri Luar Datuk Seri Anifah Aman berkata, serangan tentera Israel ke atas kapal menghantar bantuan kemanusiaan ke Gaza membuka mata dunia tentang kekejaman rejim itu.

Katanya, sesetengah masyarakat di Eropah misalnya, mungkin tidak begitu simpati dengan penderitaan rakyat Palestin selama ini, tetapi dengan serangan sebelum Subuh Isnin lalu itu telah membuka mata, telinga dan fikiran mereka.

"Kita sangat berharap ia akhirnya akan membawa masa depan yang lebih cerah kepada penduduk di Gaza dan Palestin keseluruhannya," katanya.

Anifah bercakap semasa bertemu dengan sukarelawan tersebut yang dibebaskan oleh pihak berkuasa Israel pada pagi Rabu.

Beliau dan ketua kumpulan tersebut Noor Azman Muhamad Samsuddin turut bercakap menerusi telefon dengan Perdana Menteri, Datuk Seri Najib Tun Razak yang sedang berada di Laos atas lawatan rasmi.

Noor Azman didengar memberitahu Najib apa yang berlaku semasa serangan tersebut di samping mengucapkan terima kasih atas usaha kerajaan membebaskan sukarelawan Malaysia.

Anifah berada di Amman untuk mengucapkan terima kasih kepada kerajaan Jordan di atas bantuan mereka dalam menjamin laluan selamat kepada sukarelawan Malaysia yang ditahan bersama ratusan yang lain, keluar dari Israel.

Semasa pertemuan di kediaman Duta Malaysia ke Jordan, Datuk Abdul Malek Abdul Aziz, doa kesyukuran



● Anifah (duduk, dua kiri) bersama 12 sukarelawan Malaysia yang menghadapi serangan tentera Israel semasa berada di atas kapal menghantar bantuan kemanusiaan ke Gaza awal pagi Isnin lepas.

an turut dibacakan di atas pembebasan sukarelawan Malaysia dan kepada mereka yang terbunuh dalam serangan tentera rejim ke atas kapal milik Turki, Mavi Marmara di dalam kawasan perairan antarabangsa.

Anifah berkata, usaha akan dilakukan untuk mendesak Israel supaya membayar ganti rugi kepada sukarelawan Malaysia.

"Kita akan meminta pakar hak asasi manusia kita untuk melihat bagaimana ia boleh

dilakukan," katanya.

Anifah turut mengingatkan pihak yang mahu menyertai misi kemanusiaan yang serupa di masa depan supaya terlebih dahulu memaklukkannya kepada Kementerian Luar. - Bernama